

Taitusgö Kimbi

Polnön Taitusgöra Kimbi alök.

Jim-asa-asari

Azi gwabö qetji Taitus yanön uruñi melenđa Polbuk örörön jöhöba bauköba misin nup meyo-hot. Memba köwet sutje gölme jölanñi qetji Krit (Arete) miangören malohotka Polnön kembangan kutuba alabaukñi mosöriga zioz nup arengöba ek kewöta galöm kölok. Polnön mosöta anda yangöra köuluköba mala Buña Kimbi ki ohoyök.

Krit mi keu Grik miambuk mindiribanbuk. Krit mi köwet sutje gölme jölanñi kun aka Grik (Greece) mi kantri kun.

Polnön Taitusgöra waimanjat karöbut möta qamban keu kewö ohom wanğiyök: Krit yengö könanjini mi gongim teköi baunam jegömöl aka malget. Tosatjan uruñini melengetka malmalñinan diñgiyöhi, yenön kunbuk bölibepuk. Miangöra yengö jitjememeninan silik ölop kötökñi kondela köuluk aka Baiböl stadi nup qahö mosöta kambuñini mindiñgöba malmegöra jiza. Uru melenget yengö sutjine kambu morömorö mi denöwö mindiñgöba kusum engiba malme? Azi namñi, ambi namñi, ambi seram, azi gwabö aka welengeqe yengö goro keuñini mi nanñök nanñök kewö jim asariza, “Uruñini melenđa Buña keu wuatangöba luainön mala ketanñi yengö keu bapñe anda jegep uruk nup ölopñanök memba kinda julbepüköra kazik anğururuk mosöta malme.”

Buk kianğö bahönji bohonñi 5 mi kewö:

Polnön aposol nupňangö könañi jiza 1.1-4
 Anutugö jítjememe yeñgö goro keuñini 1.5-16
 Ambazip kambu morömorö yeñgö goro keuñini
 2.1-15
 Urukunḡukunḡu aka galöm meme keu 3.1-11
 Yaizözkök aka keu teteköñi tosatñi 3.12-15

Polnön aposol nupňangö könañi jiza.

¹ Anutunöñ ambazip möwölöhöm enḡiyöhi, enḡö mötnariñinan asuhuba qarimapköra aka Jisös Kraistnön Pol ni melaim niñgiiga yanḡö aposolñi akzal.

Nöñön Anutu welenni qeba keu ölni kusum enḡimakzal. Keu ölni mi möt kutuba köl gulime ewö, enḡö malmalñinan mönö uteköba letorakña. Mianḡöra kimbi ki ohozal.

² Anutunöñ keu munenji jimawanḡö dop qahö yanön möpňangö möpñe malmal köhöikñi nengimamḡö jim jöhöba mianḡö andöñe yuai pakpak miwikñaiyök. Enön keu ölni möt kutuba möt narigetka mianön mönö nam köl enḡiiga malmal köhöikñe anḡotpiñgöra al mamböta jörömqöröm ahakze. ³ Anutu, Amötqeqe Toninan oyaenḡoyaenḡö keuñi jim jöhöba mianḡö nalöñi diñdini ali kam kunḡuiga mianḡöreñ Buña keuñi indela mi jim sehibingö jimkutukutuñi alök. Mianḡö dop mi jim asarigetka Anutunöñ nöñön mi jim sehimamḡö möt narim niñgiba kunḡum niñgiyök.

⁴ *O mötnarip nahön sorokni Taitus! Nöhön bauköm gihibi urugi melenḁa alabaukni aka mo-hotḁe Kembu möt nariba maljit.

Iwi Anutu aka nanini Amötqeḁe Tonini Jisös Kraist yetkön mönö kalem möriam gihiyohotka luainöḁ malman.

Galöm jitḁememe yeḁgöreḁ keu aren

⁵ Köwet jölanni Krit (Crete) miangöreḁ mohotḁe misin nup memba kemaḁe gömosötmangö aka kewö jim kutum gihial, “Uruḁini melenḁet yeḁön iliḁgösöḁ laḁ maljei, i mönö areḁgöm eḁgiba (pastro aka) jitḁe memeni miri taon dop kuḁguba kusum eḁḁinöḁga areḁinambuk zioz nup memba malme.” Mewö jiba deḁnit.

⁶ *Uruḁini melenḁeri, yeḁgö sutḁineyök azi kewöḁi möwölöhöman: Kungö silenḁe pinjitkö keuḁi qahö, anömḁi mohok-kun memba mali nahönböraturupḁan uruḁini melenḁa Anutu möt nariba yaḁḁiseḁ kezaḁjuḁjuḁ silikö keu silenḁe qahö ala jim eḁḁimakze.

⁷ Urumelenḁ könagesögö ketanḁamḁini pasto (bisop)* yaḁön Anutugö könagesö galöm köl eḁḁimakḁawi, miangöra mönö azi kewöḁi kuḁguman: Kungö silenḁe pinjitkö keuḁi qahö, jakbak-öraḁböraḁ qahö aka urupik qahö. O köhöikḁi qahö nemba bim laḁ qahö qeba möndömöndö qakḁe injarere mala moner

* **1:4:** 2 Kor 8.23; Gal 2.3; 2 Tim 4.10 * **1:6:** 1 Tim 3.2-7 * **1:7:** ouwösiö, zioz paris lida, bisop, nup meme bohonḁi yaḁön qet ke-taḁi öne qahö bisimapmö, paris kambu-urupḁi yeḁgöra köuluköba kusum eḁḁgiba uruḁini kuḁguba nupḁinanḁö areḁini eḁḁgiba goro qam-baḁ qakḁe galöm köla mindingöm eḁḁimakḁa.

yuaigöra qahö kapan kölakza. ⁸ Yangören kamei, i ölop köl öröba köyan köl engiba keu ahakmeme ölopñangö sihimñi möta uruñi mianğoren ala malma. Kilik-kaluk kekpurikñi qahö, keu pakpak diñdiñanök kewöta sarakñi töröñi qainñi kun aka nanñi ahakmemenji törörök galöm köl angumakña.

⁹ Buña keu kusum nenğigetka tandö söran ewö malmal tönğumamğöra ahözawi, pastonöñ mi mönö töp memba mianğoren qekötahöba kinma. Mewö kinda ölop Buña Kimbigö dop mötnaripkö keu kemañi kemañi ambazip kusum engiba mi-añön uruñini kuñğumakña aka tosatñan Buña keu möwöramğöba qetalakñei, yenğö keuñini gonğonji ölop qeapköba mindiñğomakña. Mewö.

Böhi takapulakani mönö qetal engime.

¹⁰ Ambazip gwötpukñan keu qetala kezapjupjup aka sesekñai ewö keu sinñi sinñi jiba ambazip tilipköm engimakze. Anutugö aiwesökñi silenine yandigeri, yenğö kambunöhök ambazip jesöñğöñan mewö ahakze.

¹¹ Ambazip mewö mienğö keuñini mönö qömbököme. Yenön Buña keu kusum engibingö möndöba monen yuainini öröbingö möta kösawöran keu lañ jigetka gamuñambuk ahakza. Mewö aka saiwa tosatñi lök körekñanök mem sohom engigetka enjololöñ aket. ¹² Krit nanñine kezapqetok azi kunñan aiakanjanğöra kewö jiba ohoyök, “Krit ambazipnöñ mönö nalö dop keu munen jiba injarere qölzöm mala ubibi kömböt ewö lilikqilik aka bau numbu nemakze.” ¹³ Yenğöra keu mewö nanğöba jiyöhi, mianñön mönö öñña. Mianğöra kawölñinan qahöwahi mötnaripñinan asuhuba

ölnambuk akñapköra i mönö köhöikñanök terenğöba jim enğimakñan.

¹⁴ Mötnaripñinan ölnambuk aiga Juda neñgö bem sambanini aka ambazip keu ölni siñgiba jimkututu alakzei, keu mewö miañgö kezap kude alme. ¹⁵ Urunini melenñinga Uña Töröñan köl könjörat ak neñgiiga sarakñi akzini, neñgöra nene kungö dönqizizinni qahö ahöza. Neñön nene pakpak ölop nembinañgö dop akzapmö, qewöloñ ambazip keu ölnañgö yañgiseñ ahakzei, yeñön i me wai aketka uruñinan töndup tölohoma kza. Uruñinan kölköljinñambuk aiga uruñinañgö kezapñan duhui mönö bau jegömöl tandök malje.

¹⁶ Yeñön “Anutugö könañi möt yaközin,” jitiñinan mewö jigetka aiakaninan mi qañ köla qeapkömakze. Mewö aka Anutugö keuñi qetalgetka imbilonloñ möt enğiiga ahakmeme ölopñi kun memeañgö dop qahö akze. Mewö.

2

Ambazip ketani yeñgö qambañ keu

¹ Göñön mewö qahö maljanañgöra mönö mötnaripkö keu kambañi kambañi mi Buña Kimbigö dop kewö kusum enğimakñan: ² Azi namñi yeñön mönö kilik-kalukñini qahö malgetka göda qem enğibinañgö dop akñe. Nanñini ahakmemeñini törörök galöm köl añgugetka mötnaripñinañgö kawölñinan qahöwahi ölni urukalem asuhmakña. Ölni asuhui ambazip törörök jöpaköm enğiba malme aka kapañ köla böñ qeba kinme. Mewö malmegöra kusum enğimakñan.

³ Ambi namñi yeñön mewöyök Anutugören ambi sarakñi yeñgö dop ahakmemeñini aka memba malme. Andöqeçe keu yöhösañ kude ahakñe. Wain o gwötpuk nemegö mötöp simbañe kude aᅇgota qaköme. Urumeleñ ahakmemegö silikñi ölöpnñi kondela tosatñi kusum eᅇgimakñe.

⁴ Mewö aka mala ambi nembö bapñine maljei, yeᅇgöra ölöp goro eᅇgiba malgetka yeñön mewöyök apmoröurupñini urukönömñinan jöpaköm eᅇgiba malme. ⁵ Jöpaköm eᅇgiba nanñini ahakmemeñini törörök galöm köl aᅇguba sarakñi aka mirigö nupñini nem qerak aka nöᅇgöp törön qakñe memba apmoröurupñini köyan köl eᅇgiba apurupñinaᅇgö keu bapñe anda kötöᅇgöm eᅇgimakñe. Mewö kusum eᅇgigetka aka memba malgetka tosatñan Anutugö Buᅇa keu mi mepaiköba ilitnöᅇ albingö osime. Mewö.

Azi gwabö aka welenqeçe yeñgö qambañ keuñini

⁶ Azi gwabö yeñgö uruñini mewöyök kewö kuᅇgum eᅇgimakñan: Yeñön mönö ölöpnᅇᅇgö oyankasak mala nanñini ahakmemeñini törörök galöm köl aᅇgumakñe. ⁷ Uruñini mewö kuᅇgum eᅇgiba nangak ahakmeme pakpak miaᅇgören silik ölöpnñi kondel eᅇgiba malman. Mönö geᅇmonᅇ qahö böᅇ qeba kinda taᅇörakñi qahö kusum eᅇgimakñan. ⁸ Keu mötsihimᅇambuk jiba malnöᅇga ambazipnöᅇ mepaiköba memba et al gihibingö osime. Mewö jiba malnöᅇga tuarenjoᅇurupñinan keu bölöᅇñi jim neᅇgibingö keu jaruba öᅇñi qahö miwikᅇaiba gamuñini mötme. Mewö kusum eᅇgimakñan.

⁹ Welenqequeurup mi kewö kusum engimakñan: Yenön ketañamñini yenğö keuñini pakpak tem köla keu bapñe anda malme. Sösöngai ak engibingö kapañ köla kinme. Keu jimei, mi nesilam qakñan kude melenñ engimakñe. ¹⁰ Ketañamñinanğö mireyök yuai mohot-hök yahöt-hök mi ölöñ kude memakñemö, ketañamñinan engeka möt narim engimakñapköra mönö kapañ köla kinme. Nupñini pakpak mönö geñmoñi qahö pöndañ memba malme. Mewö mala Anutu Amötqeçe Toninangö Buña keu kusum engimakzei, mi kötön kölgetka ölnji ahui nahömñambuk ahakña. Mewö.

Malmal sarakñangö nam köipitñi mi kalem möriam.

¹¹ Malmal sarakñangö nam köipitñi kewö: Anutunöñ ambazip körek amöt qem neñgimapköra aka kalem möriamñi indeli gölme dop asuhuyök. ¹² Kalem möriam mianñön mönö kopa añğöjörak malmalgöra “Qahö,” jibingö köna kondela gölmegö sihim kömbönañi bölöñi qömbököbingöra köl kusuba mindingöm neñgimakza. Ahakmemenini törörök galöm köl añguba keu pakpak diñdiñanök kewöta malbingöra köl gulim neñgimakza. Mewö mianñön Anutugö malmal köhöikñi mi nalö kewöñe köl guliba gölmenöñ malbin.

¹³ Mewö malinga Jisös Kraistnöñ kunbuk kamawi, nini nalö mianğoreñ Anutu qetbuñañambuk aka Amötqeçe Tonini yetkö asakmararañiri asuhuiga ekin. Nini oyaenköyaen nalöñi mi kam kuñgumapköra jörömqöröm al mamböt aka maljin.

14* Jisös Kraistnöj mönö neŋgöra aka nanŋi malmalŋi köleŋda mosörök. Nini ahakmeme bölöŋi könaŋi könaŋi mianŋgöreŋök meköm neŋgiba sohopnini memamgö möta köl könjörat ak neŋgiba nanŋi buŋaŋi sarakŋi akingöra aka malmalŋi köleŋda mosörök. Mi mosöta qewöloŋnini saŋgoŋniga nanŋi könagesöŋi aka ölop nup ölopŋi ölopŋi memingö urukönöp aka jöjörömakin.

15 Mianŋö keuŋi mönö kusum eŋgiba ambazip uruŋini nanŋöba köna siŋgimei, mi kukösum pakpakö qakŋe tembula jim eŋgimakŋan. Mewö aknöŋga kunŋan jijiwilit ak gihibapüköra galöm mem aŋguba malman. Mewö.

3

Urumeleŋ eŋön mönö silik kewö aka memba malme:

¹ Kusum eŋgiba keu ki mönö köl gulim eŋginöŋga ölop urukönömŋine ala mötmörime: Urumeleŋ könagesö yeŋön mönö kiap gawman aka ketaŋamŋini tosatŋi yeŋö keu bapŋine anda keuŋini tem köla malme. Mindimindiri nup ölopŋi memegöra jigetka mi pakpak mönö jöjöröba memakŋe. ² Uruqeŋe keu töhöreŋ mi kungöra kude jim waŋgime. Aŋgururuk kude akŋemö, ala ak aŋguba urumohot malmegöra kinme. Ambazip pakpak mi guŋböŋjönjönjök pakpak ak eŋgiba uruluai qakŋe mutulaŋgöm aŋguba malme. Mewö.

³ Nini mewöyök mutuk uruqahö mala qeŋetal aka janŋuŋ malin. Sihim kömbönaŋnini bölöŋi könaŋi könaŋi miengö mötöp simbaŋe qaköinga

* 2:14: Sum 130.8; Eks 19.5; Dut 4.20; 7.6; 14.2; 1 Pitö 2.9

galöm köl neŋgetka silegö sihim sösöŋgaini lan jarubingöra malin. Körögisigisi qakŋe kegwek-kahasililiŋ aka mianğöreŋ malmalnini ayuhuba malin. Tosatŋan imbilonlon mōta kazik ak neŋgetka sutnine urukerök ak aŋguba malin.

⁴ Mewö malinmō, Anutu Amötqeŋe Toninan ahakmemeni ölopŋi kölnda indeliga urukalemŋan asuhum tiŋgiriga kötala uruŋan jöpaköm neŋgiyök. ⁵ Jöpaköm neŋgiba bohonini jöhöba amöt qem neŋgiyök. Naninak diŋdiŋi mala nup ölopŋi ölopŋi memba malbinahi, mianğöra aka qahö neŋgehoriyök. Mianğöra qahöpmō, nanŋi ak-kömükömuŋan mönō nam köl waŋgiiga siŋgisöndoknini saŋgoŋniga ahuaŋu dölökŋi ahuinga Uŋaŋi Töröŋi urunine aliga kölöŋaim neŋgiyök. ⁶ Anutunöŋ amöt qem neŋgiba Amötqeŋe Tonini Jisös Kraistköra jiiga Uŋa Töröŋi melaiba kelenmaleleŋ mokoiga urunine geiga maljin.

⁷ Anutugö kalem möriamŋan nam köl waŋgiiga keunini jim teköi solanibingöra aka Uŋa Töröŋan urunine geiga kölöŋainin. Kölöŋaiba kinda oyaenköyaen malmal teteköŋi qahö malbingö jörömqöröm al mamböt akzini, mi ölop buŋa qem aŋgubin. Mewö.

⁸ Keu ohozali, mianön öl töhöŋŋa. Göŋön mönō keu kewö kapaŋ köla jim tuarim eŋgiba malman: Ambazip Anutu möt narizei, yeŋön mönō jegep aka kinda uruŋini pöndaŋ nup ölopŋi ölopŋi memegöra ala malme. Mewö akŋei, mianön mönō ambazip bauköm eŋgiiga nupŋinaŋgö ölŋi eka “Qetpuk!” jiba malme. ⁹ Tosatŋan uruqahö keu aka ambösakon yeŋgö qet areŋi areŋi eraum

mötketka goranora anğururuk asuhumakzawi, göñön mönö mi yaköriba andö qeman. Mewöyök Mosesnöñ Köna keu neñgiyöhi, tosatñan keu mohot mohot mianğöra möndömkösök aketka supapköiga sohomakza. Jitnakölik mewöñi mi yuai omani töhön aka qahöpmahöp bauköm eñgimakza. Mianğöra mi mönö andö qeba mosötman.

¹⁰ Kunñan keu mewö jim öröba mianñon uru-jujul mem eñgimakzawi, i mönö galöm meme keu jim wañginöñga qahö tem köliga kunbuk jim wañginöñga yahöt aiga töndup yañgiseñ akña ewö, i mönö közölnöñga urumelen kambu mosöta yaigepñe malma. ¹¹ Yañgö könañi kewö ahöi möt yaközan: Yañön köna siñgiba öñömböböp köla lolonqalon aka siñgisöndok ahakmeme ahakza. Siñgisöndokñi mianñon mönö könañi kondeli sohom teköi Anutunöñ keuñi jim teköi könöp siagö buñaya akña. Mewö.

Yaizökzök keu teteköñi

¹² *Ni kömunjañ kie uru nalö ki siti qetñi Nikopolis Grik mianğoreñ mösöhöba malmangö mötzal. Mianğöra Artemas me Tikikus salupke malmapköra melaibi göhöreñ kañgotmawi, nalö mianğoreñ mönö nalö kude qem körimanmö, zilañ mosöta Nikopolis kaba miwikñaim niñgiman. ¹³ *Köna keugö mötmöt azi (loya) qetñi Zenas aka Apolos yetkön yuai kungöra osiba mözöqözöröñ aka Krit mianğoreñ qaköba tatpahotpuk. Mianğöra mönö kapan köla öroyuai tosatñan dopñire nañgöm etkinöñga ölop toroqeba anmahot.

* **3:12:** Apo 20.4; Ef 6.21-22; Kol 4.7-8; 2 Tim 4.12
18.24; 1 Kor 16.12

* **3:13:** Apo

¹⁴ Alaurupninan mönö nup ölöpnj ölöpnj memegö könañi möt soroköba pöndañ jegep aka zeñ kinda uruñini mianğöreñ ala malme. Mewö aketka tosatñan lömböt keta bölökñi sangabañga miwikñamei, i ölöp nañgöm enğimakñe. Mötnaripkö ölnj mewö ahuiga malmal gilipitñi (ambetakñi) önewat qahö malme.

¹⁵ Nömbuk ki maljei, yeñön körek yaizözkökñini jigetka göhöreñ kaza. Göñön alaurupnini Krit mianğöreñ Kembu möt nariba uruñinan jöpaköm neñgimakzei, yeñgöra mönö nöngö yaizözkökñi jinöñga mötme.

Kalem möriamnöñ mönö körek embuk ahöma.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 3 Mar 2023 from source files dated 9 Oct 2020

c0871260-68cc-5a50-953f-52200e105d1e